


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 54 || No. 03

March, 2018



Editor: Rev. Stephen Chinzathang

Synod Kumpuon: **“Pasian thuguh kem”** (I Korin 4:1)

Khristian Tangkou

Vol. No. 54 || Issue No. 03 || March, 2018

Editorial Board

Editor : Rev. Stephen Chinzathang - 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Upa Kamgenpau - 8974612937
Shie T. Ginzahau - 8974438842

Cont. Editors : Upa Khupsuankham - 9856406454
Rev. Awnkhankhup - 9862828921
Rev. Dr. Hangpi Maunlun - 9862910875
Rev. Kaimuanlal - 9862923960

ZOU SYNOD ULIENTE

• Moderator:

Rev. Awnkhankhup

• Moderator Elect:

Rev. Dr. Hangpi Maunlun

• Secretary (Sr):

Upa Er. Thangchinmung

• Secretary (Jr):

Upa Liensuonkap

• Treasurer:

Upa Chinsuanthang

• Statistician:

Upa Khaihenthang

• Executive Secretaries:

Rev. Stephen Chinzathang

Rev. Khamchinkhai

A sung thu

- Editorial..... 01
- Thu tuomtuom 02
- Report 05
- A tang ngamten 09
- A laiah Jesu..... 11
- Kross tunga Jesu thugen 14
- Aw Pasian hing nai ing 19
- Thawkiana Silbawtheina..... 21
- ZPWF Cumlumn 23

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Editorial

KHRISTIAN TANGKOU Simtu zouzie na bon un Kumtha chibai ka hing buh hi. Mangpa Pasian mapuina hoitah tami kumthah 2018 in nang leh na innsung mite leh na nasepna, na sep na bol ua na School kainate ah Mangpa'n hing umpi zing henlen na ma hing pui taken.

Tua ahi lai in tu kumtha thupi ding tami toh pangkhawm in pan la lei chi iki deisah hi. A thupi ahileh (Life is not hard you are just self) Hin khu a hamsa ahisih a nang pen a nem talua hikha vate chi toh iki hanthawn in 2018 buon vai.

A hin khuo a hamsa ahisih chipen Mangpa Pasian muon ngamna ah pan la lei chi in ka gel hi. Mihing khat pou in maban a ding gelkhollou a gam tang koima a ki um sih hi achi na in Pa in a innsung kumteng ding in pan ala hi. Laisim ten zong kumteng ding a sang (School) kai ahi uhi. Nasemte lou nasem ten zong kumtop chieng a bang zat a mu ding kinem ahi. Tuabang ma in ei gingtute zong huntawpchienga bang ahiei Pasian masang a i tan ding uh chi kinem ihina toh Pasian bie ihi uhi. Tua ahilai in koi tobang in a bul tung a kipan hoilou a atawp chieng a hamphatna nga ding a kinem pawl i um ding uhi. Ahi tuabang pen hithei lou ahi ziehin a koi akoi zong tua kumthah abul a ding ihina uh toh kitawn in pan la chiet vaui. Koi tobang lam-et lai a thase den a apei leh a vaitung hah hi. Tua ma bang in kumtha pen abul hoi tah a pan chiet a Pasian toh zawh khawm a Pasian thuguh kemte pen apil vang ua zong ataima ding uh ahi. Tua ziehin Kum 2018 pen thase lou kei in buon tou va ui. Pasian toisang in hindan lamthah in Hattuom ten Pasian suitha in eima chiet ah Mangpa pahtawi vai.

Mangpa'n simtu zousie te hing guolzawl taken. Kumtha chibai.

Thy tuomtuom leh Thumpi dingte



01. Mission Conference February 09-11, 2018 sung in “Gim genthei tampi thuoh a Pasian nasepna” chi thupi a zang in Presbyterian Church of India, Muollum ah nei ahia, tahsa leh Hagau ah lam ah phattuumna tampi tang in man zaw ahita hi.
02. Pasian hoina leh mapuina kinem in Zou Synod nuoi a Zou Presbyterian Women Fellowship (ZPWF) te saina in ahingtung ding March 15-18, 2018 sung in Presbyterian Behiangjang ah Revival Khawmpi um ding hi. Khawmpi lawchingtah a zah leh man ahitheina dingin Hattuum leh mimal chinin thumpi kchiet vau. Khawmpi thupi i lampite suichienin enchienvai in Mangpa lam ah kinuale kia vau (Kalate 3:40). Speaker Rev. Tongminthang Director care & Concern Ministry
03. ZPWF Warden tha: Pasian hoina tangkou zel in apeisa January 01, 2018 niin ZPWF Central Committee thuphasah leh Circular kihawmsa bawzuina toh Tuunnu Liimbel (Orphanage Home) a sem ding Warden lah na aum a, tehna chin a etkhiet ahinua in kituoh tah a Mr. Thangkhansiem s/o Upa Chingenpau of Muollum lah ahi. Tahsa hagau a itna toh nu neilou, Pa neilou tagate kem leh enkawla ang gasuo theina dingin thumpi chiet va ui.

04. Synod year planner umsa bang leh 14th Sessin thunuasiasa bang in March hasung a Hattuum Nipoimaw te tam anei a bang ahi. Thum in ...! kisa khol in!
- i) Upa Training Dt. 22-23, March sung in MGP Golden Jubilee Hall, ZPCS Compound ah um ding hi.
 - ii) Palm Sunday March 25, 2018 Hattuum chin
 - iii) Good Friday March 30, 2018 Hattuum chin.
05. Dated 25th January 2018 niin MGP Golden Jubilee Hall ah Session tha a ding Layment Basic Theological School Training Session 2018 Honna leh latna um hi. Rev. Khamchinkhai Executive Secretary in thumna nei in maban a kalsuon ding dan puonkhietna toh nei hi.
06. Apeisa January 31st-3rd February sung in Zou Synod Office ah PC Wales te Sponsored na nuoi ah Rev. Dr. Euros Resource person hina la in Leadership Training kinei hi. Zou Synod apat Ordain Upa leh Pastor 40 (Sawmli) vel tel thei uhi. I thuzah te leh ingaikhietnate i hinnate ah thugen n hing siemtha chiet taken chi ithuna uh ahi. Rev. Dr. Euros ama ban kalsuonna ding leh ainnsung mite adin chidamna ngetpieh vau.
07. Mission Column: Thumsahna Eite thatanga Khantanhoi (Gosple) puongzahu inei uh Zou Synod in mittui luongpum a thumna toh ana gasuote adin bang hun ah ana thumzing vau. Amauten agam leh a boruok zil in hamsatna anei ding ua, akhente damtheina tasambang, akhente haam leh pau tasam bang leh akhente lungneu na hinkhuo nei bang aum ding uhi. I panpi theina umsun thumna ahi.

Amaute:

	Min	Pamin	Khuo	Field
1.	Tv. Thanglal	s/o (L) Pauzagou,	Tuibuong,	Chennai Headquarter
2.	Tv. Siehkhonthang	s/o Pu Pauneh	Aina	Masalia Mission Dimka Dist. Jharkhand
3.	Nh. Nemzavah	d/o Upa H. Thonglam	Sabual	Ranga Hostel Mercy Home (SSR) Jharkhand
4.	Tv. Sienlunthang	s/o Pu Ginzahang	Zoumunnuam	Jammu & Kashmir
Mimal a chawmte (FMPB)				
	Achawmtu	Achawmte	Field	
1.	Mrs. Nuamkhonieng	Tv. Thanglal Zou	Chennai Hq.	
2.	Tv. P. Zuonneithang	Miss Kampung	Chotagaghri Jharkhand	
IEM a Synod in achawmte				
1.	Mr. Thangzalun Simte, Churachandpur			
2.	Miss Leishichon Shimray, Andaman & Nicobar			

08. Pasian hoina leh mapuina toh ipawlpi leh sunga Class-X & XII Board a Exam pe dingte a dingin thumsah chiet vaii. Amaute kisahkhohna khellam ah Pasian in guoltung tuonna pethei ahi chi theikawm in thumna toh ana pang chiet vaii.
09. Zou Synod huongsunga Pastor hina nna semte eima biel sung leh outside Manipur a semte adin thumsah chiet vaii. Tahsa hagau a aetkawh uh Hattuumte ittaha kem leh enkawla ang gasuo chietna dingin.
10. I pawlpi huopa Piching lam leh naupanglam Sunday School Sangsyete leh a zillai naupangte adin thumsah vai. Pasian thu theina a kumdangsanga tahpan a ang gasuo chietna ding un.
11. Hattuum china silpieh petute leh kemtute a dingin mihing zau hilou a Pasian zaukawma silpiehte dihtaha ang submit thei chietna dingin thumsah vai.

.....

Reports

PCI GENERAL ASSEMBLY 36TH GOSPEL CAMPAIGN 2017 REPORT

- Pro. Pastor Stephen Khupsianlal

Amasapen in hun hoi hingpie iMangpa Pasian leh tambang report bawlthei dinga hun lemtang hing siempieh Synod lamkaite tungah kipathu igen masa uhi. Gospel Campaign Report tomkim anuoi a bangin itahlang uhi:-

Report Tangpi:

Presbyterian Church Of India (PCI) General Assembly nuoi a Mission &Evangelism department panlahna in apeisa 15th-17th December, 2017 sungin a 36th veina Gospel Campaign (Gingloute lah a Khantan Hoi Phuonzahna) khu Meitei Presbyterian Singlup Synod (MPSS) Host/inn tehna in Kwakeithel Central Church mun ah lawching tah in kizang a, tuanah Gospel Campaign thupi in, “Jesus, Prince of Peace”/ “Jesu, Lemna Mang” zah ahi.

15th December, 2017 (Ziltawpni) tunkim zan in Manipur Synod te’n vaiguon mapui ua, tuanah Rev.Laldawngliana, P.C.I. Moderator in Inaugural Speech/Vaidawn Thugenna hun zang hi.

16th December, 2017 (Kiginni) zingmawng Devotion ZPCS mawpuohna pieh aki hi bang in Rev. Lamsuanthang in puitu hina la in, tam hun ah Miss Niangneilam in Laisiengthou simna leh thungetna hun zang a, Pro.Pastor Stephen Khupsianlal in special number/solo present bawl in, tualeh Upa Langkhanmang in Guolzawlina toh hun khahna nei hi.

Zingkal 10:00-11:30A.M sung in Paper Presentation um a, tuanah Rev.Dr.P.B.M.Basaiwmoit in, ‘Cross-Cultural Communication of the Gospel’(Tawndan tuom-tuom nei mite lah a Khantan Hoi Tangkoupina) topic tungtawn in seminar presentation bawl hi. Seminar hun zahzaw in plenary discussion (Houlim khawmna) hun

nei ahi. Tam discussion hun ah ZPCS palai te'n, 'PCI sunga Synod tuom-tuom umkhawmte tawndan-hindan kibang kimlou ahizieh in Synod zousie apat mahni Synod tawndan/culture collect bawl hihen len, tuakhu PCI in laibu khat a bawl in PCI sung a Synod um zousie kungah simthei dingin pethei leh maban a Synod danga khawmpi/vaiguon zang a kalsuon ding te a dingin phatuom mama ding ahi' chi suggestion akibawl a, lamkaite'n zong poimaw ngai in PCI level a bawzui dingin koi uhi.

Sunnua 01:00-02:00P.M sungin Tract distribution (Pasian thu hawmkhietna)/House Visit hun zah ahia, group 2 a kikhen in Sagolban Moirang Hanuba Leirak area ah gingloute inn vena leh Pasian thu kigielte hawmkhietna nei ahia, tuazaw in community hall ah Open Air Preaching hun zah ahi. Tam hun kizahna ah Khasi Jaintia Presbyterian Synod Sepngi leh Mihngi te'n mapui ua, thupi pansan in Rev.Dr.O.Kumar, Sr.Executive Secretary, MPSS leh Rev. Dr.L.Iboyaima, Leader, Meitei Presbyterian Naharup te'n Pasian thugenna hun zang uhi. Tualeh local soloist tuom-tuom apat Miss Mandakini in zong phatna laa sa hi. Zan lam 06:30-08:30 P.M. sungin report piehna, ngaidan genkhawmna leh thumkhawmna hun kizang khawm hi. Pasian mapuina leh Campaign lamkaite deisahnang in ZPCS palai te'n Group No.2 secretary mawpuona kitang kha a, tuachi'n tam hun sungin group report piehna zong vaki bawl thei hi.

17th December, 2017 (Pasian Ni) in Cachar Hill Tribe Synod (CHT) te'n zingmawng devotion mapui uhi. Sun 11:30-02:00 P.M sungin Presbyterian House, War Cemetery Road lampi gei ah Open Air Preaching hun zah ahia, Mizoram Synod in puitu hina la uhi. Tam hun ah Meitei Presbyterian Singlup Choir, Logos Gospel Ministry, Manipur Area Presbytery Choir (under Mizoram Synod) ban ah soloist tuomtuom te apat phatna laa ngaikhiet in um a, Rev. G.S.Lyttan, Administrative Secretary, i/c Mission & Evangelism in thugenna hun zang hi.

Sunnua 02:00-05:00P.M sungin Sight Seeing (Mun tuomtuom etna) hun zah ahia, hun kibichil zieh in mun 2: Kangla Park leh National Stadium te vaki en thei hi. Zanolam 06:00-08:00P.M. sungin Public Worship Service nei ahia, Rev.Laldawngliana, Moderator in kikhop mapui a, hunpatna Biateram Synod te'n zang uhi. Tualeh Imphal West Presbyterian Choir, Imphal Presbyterian Choir, Logos Gospel Ministry ban ah Miss Mandakini te'n phatna laa sa uhi. Tam hun ah Rev. Dr. P.B. M. Basaiwmoit in thugenna hun zang hi.

PCI nuoi a Synod tuom-tuom apat delegates peikhawm teng: 125.

ZPCS apat delegates teng: Upa Henkhup (Zoumun), Upa Langkhanmang (Tuining), Evan. Kamchinthang (Lailam Veng), Evan. Bhim Prasad (Paspoti), Evan.Pauchiin (Sangaikot), Mr. Ginsuanthang (Mangjing), Miss Niangneilam (Mangjing), Rev. Lamsuanthang leh Pro.Pastor Stephen Khupsianlal.

Thukhumsin: Unau Meitei Synod te Synod piching amuna uh kum khat zong ching nailou te'n PCI level a program poimaw host thei dinmun a aumthei uh Synod delegates zousie'n thupi aki sa mama a, ZPCS sung a Pate/Numeite/Khanglai te'n zong mailam a PCI/PWF/PYF level a program lien umzel dingte vaidawn thei ding khop in kisingsahna hoitah kineitheih taleh deihuoi isa mama mai hi.

Synod lamkaite deisahna toh tambang hun manpha kitang thei ahizieh in lamkaite tungah lungdamna alien a, tam vaiguon in eimau sung mai hilou a, mundang a ginglou/Pasian thu zanailou tampi umte kunga mawpuona lienpi nei ihidan zong hing theisah hi. Lamka context et in Khristian majority hinanleh Hundamna thu theinailou unau meiteite umna veng ahiei unau kolte/Nepalite umna veng etc te ah ZPCS Mission & Evangelism department tungtawn in program sai thei hizel leh hattuum iluonkhietna uh hoi mama khat hiding in ingaituo hi.

Mangpa'n simtute guolzawl hen!

.....



PCI ASSEMBLY GOSPEL CAMPAIGN A HAWTE

GOSHEN HATTUOM

Apeisa February 04, 2018 ni in Pu S. Khamchinthang Hausatna Goshen Kho tha Rev. Dr. Hangpi Manlun Bieltu Pastor leh Upa Gouchinthang District Chairman (Zoutang District) toh khuo Honna leh Biehin Suongphum honna vanei uhi. Goshen pen Muollum leh T. Khajang kikal a um ahi. Tu leh tu in inn (5) nga bang phata uhi.

Report petu

Rev. Dr. Hangpi Manlun, Biel Pastor
Zoutang District (ZTP)

MISSION FIELD REPORTS

Dated February 04, 2018 (Pasianni) in Paspati Mission Field a gingtha (New believer) Mr. Kumar Thapa s/o Nir Bahadur thapa in Baptisma Rev. P.C. Manga khut ah tang hi. Amaban gingtu hinkhuo lampi ang kal suonna dingte Hattuum leh mimal chinin ini chin thumna uah bawzui in theizing vaui. Mangpa hagau in umpi in mapuizing taken...!

Khumban ah ama kipiehna zieha ginglou Pasion thu theinailoute zong Khristian apuilut (Convert) ang kibelapthei semna dingin zong thumzing vaui.

Report petu:

Bhim Prasad

Evangelist

Paspati Mission Field.

.....

Ataan ngamten a taan hetsih uh

“Luk 1:38 khun hun lai in Mari in hing enkhie un Mangpa suohnu kahi ana chi bang bang in katung ah tung taken” achia. Mari pen Joseph toh kiteeng ding a umsa hinanleh Angel tawisang in aumta. “Nang nasataha deisahna tangnu Mangpa’n ahing umpi a, Numei lah a vangpha pen nahita ahing chia. Angel thugen zieh in a lungkham achi hi. Angel thu ahing gen zom zel a “Mari zausin Pasion deisahna tang nahi. Hing gai vachin tapa khat hing nei vachin amin Jesu nasa ding hi achia. Mari pen lungkham thou ding ahi. Angel kung ah khun pasal la kanei sia, tambang sil bang chidan a hing hithei ding e? achi mai hi. Joshep zong lunggel thou ding ahi. Mangpa genbang a atung a sil hing tunna ah khun alungsiet a, ahepi Joseph a taan ngam ngai phot ding ahi. Pa umlou a Nungah siengthou gai mai

ding pen lunggel tamtah nei ngei ding ahi. Muolphou ding hileh suong a selup mai ding hinanleh zong a taan ngam a, Mangpa suohnu kahi na chi bangbang in ka tung ah tung hen achi ngam hi. Matt. 1:19. Joseph in Mari nauvawp thu a theitah in Mari pen kiteenpi talou a, a guh a daptopsan a sawmta hi. Tam a guh a atawpsan asawmpen Mangpa'n aphas himhim sih hi. Mangpa Angel khu amang (dream) lam in ahing kilah ta hi. "Joseph nang David tapa Mari pen zauthawng keilou in kiteenpi tan. Anauvop pen hagau siengthou vawpsah ahi achi a hing theisah hun ah khun Mangpa Angel in a gen bang in Mari pen aji din a puita hi. Tampen ahi ataan ngamten ataan dieh sih uh china ahi. Joseph in Mangpa Pasion azau mama mai a, Pasion tapa a pien masang in vang aum khawmpi sih hi.

Siemchilbu 22:2 Mangpa Pasion in Abraham kung ah khun "Na tapa, na tapa neisun nahepitah Isak ngei pui inlen Moriah gam ah pei in len khum mun ah taang khat hing gen vang in "khum mun ah halmang sillat

in hing laan in" a chita mai hi. Kum 100 (zakhat mi ahi nuoa Sarah toh ahinsun tapa ahi nalai hi. Abraham dinga Pasion in agenna lam ah khun apei mai hi. Nithum lam a hing hita a, khum hun sungin Abraham in bangteng a geel diei? Isak in apa kung ah khun Pa aw envawi mei leh sing la a um a, hinanleh halmang sillat ding Belamnou hei a um e? chi sese kia nalai a tam thu vel akisim chieng in ka mittui aluong lou thei sih hi. Hinanleh Abraham in "Ka tapa Pasion in ama adin halmang sillat ding khu ngaituo naven...! chin a dawng hi. Pasion in achina mun a tun hun in Abraham in atapa khu maitam singtungah alumsahta. Abraham in a tapa neisun pen Mangpa apieh tahtah ngam ziehin Mangpa'n zong ape tahtah bangin apawmpiehta. Hinanleh atapa Isak tha khel dingin Belam tal khat apie a, tampen atapa thakhel dingin halmang sillat in a zangta hi. Abraham in a it pen Mangpa adin a taan ngam ua, Mangpa'n a taansah dieh sih hi. Samuel khatna 1:11, 20 Hannah in zong tapa khat angen a, nangpieh leh

a damsungsie Mangpa ma pekia
din a gen hi. Hanna in nau ahing
neita a, Samuel ngei in Mangpa
kung a agen bangin adamsung
zousie Mangpa a dingin alaanta
hi. Hannah in zong hasatah
a Pasion kung a angetdoh ata
neisun Samuel ngei in zong
Mangpa apedoh ngammai

hi. Hinanleh a nget khah lou
Mangpan tapa thum leh tanu ni
a pekia hi. Samuel khatna 2:21
eiten Pasion i muon ngamlou zel
zieh un Ama a ding in ikiphallou zel
sih ua, ikiphallou zieh un i taan
khazel leng uhi. Ataan ngamten
ataan dieh sih.

.....

Alai ah Jesu

“Khross ah a kil lum ua, midang nitoh agei ah khat tuohtuoh in alai
ah Jesu” (Johan 19:18). Israel suonte Kanaan gam Bawngnoi leh
Khuoizu luonna gam zuon a apeilai un Pasion leh Mosi kalin mipi
a phun uhi. Pasion gulgu hatte sawl in mi tampi tu in tampi ashi
uhi. Pasion thupieh bang in etsahna nei in Mosi in sumgul abawl
a, sing ah akhai kang a, tuachin sumgul kikhai kang en poumate
adam ua, a en nuom loute pen shi zel uhi (Number 21:4-9). Tam
etsahna suhtangtunna Mangpa Jesun ahing semkhie a, isapum,
ilungsim leh i hagau damna ding in sing Khros ah ahing bukim
sahta. Laisiengthou in “Mosi in gamdai a gul a khaikang bang in
mihing tapa zong khaikang in aum ding hi. Koipou Ama gingta a
mangthang sih ding ua, kumtawn a hinna anei na ding uhi” (Johan
3:14-15).

Jesu hinkhuo

(a) Gan kuong ah: Van mipite
pahtawi chimlouna gam,
Vangam thupi leh nuomtah
nuosie in kingainiem tahin

mihing bang in hing pieng a,
mihingten luptheina dia zong
i et ngailou uh gan annpiehna
kuong ah ahing lum hi. Ahing
pien in leitung miten ging

kilawm kipahpi sih talei Van mipi
simsengloute hingkum in Van
lapi lem in phatna leh pahtawina
laa thupitah hingsa dupdup mai
uhi (Luke 2:14). “Apienna mun
leh a ki sielna munte niem ma
nanleh eite hundampa ahi”.

(b) Akhanletna: Nazareth khuo,
kothupi hilou ah Joseph leh
Mari kal ah ahing khanglien a,
khosahna niemtah a khanglien
ahi dungzui in migentheih leh
chimawte dinmun theisiempi a,
atahsapnate uh lamchinteng ah
huh in panpi hi. Tunitan dong
in mi gentheite lam ah pang in
“Nou semgim leh puohgih paw
zousiete aw ka kung ah hing
pei unlen kei man khawldamna
hing pevang” (Matt. 11:28) achi
nalai hi.

(c) Ashina Khros: Rome miten
migilou topkhohte a khailupna
uh Khros ahi. Khelna himhim
khoisih nanleh migilou leh
suomhat mi nite kikal a
khaikanga um in mikhielte toh
simkhawm in ahing um hi. Bang
chihlai pou a sakhuo toh kisai a
tambang silbawl ana um ngailou
hinapi’n Ama penhamse thuohte
shina sing khros a khetbeh a
aum ziehin koipou Ama gingtate

damna dia Pasian silbawltheina
leh a itna a thupi dan, aletdan,
asau dan, asan dan leh a thuuh
dan puonkhietna ahing hita!

Mangpa Jesu bangchin i mutheih diei?

(a) Ashi lam apat ensin: A sih
lam, apang lam apat na et leh
mikhiel kilbeh aum penin ahing
lie ding a chieng tahin Jesu na
mu theisih ding hi. Tualeh a
sihnam pen sakhuo siempite
bang, khovel a itenkawm sung
un mihingin mizie tuomtuom
nei ihi man un i suhkhelnate uh
bang a silbawl dihloute uh bang,
a hamkam uh leh hoi zoulounate
ban ah a chitlanate uh tampi na
muten Jesu meel lietthei ahi man
in Jesu na mutheih sih dinga a sih
lam ah envawt sin.

(b) A sihlam apan en samsin:
Asih alelam apat na etkia leh
mikhiel khat pen in ahing lie
kia zel ding a chientah in Jesu
na mutheih sil ding. Khum a
sihlelam zong Hattuum toh kisai
a mawpuohna nei, lamkaina
neite ahi uh. Pasian nasem gin
um leh hoi mamate kung ah
alim chin/kilimbawl a semtute
na mu zel ding. Amau pen jinei

napia aguh a numei dang koppi nei a lemtanna mun pou a zu leh numei toh nuomtah a kimawl ngap gige, alemna mun mun a nehguh khohsalou a dihtatna kitasamte na mukha dia Jesu meel na muna ding a liekha ding hi.

(c) A nunglam a pat in zong en

samsin: Anunglangapat naetleh A khross sing in ang lie zel ding hi. Tam Khross sing pen Pasian phu hilou hi. Tua a kimuthei Hattuum kibawltawmte ahi uh. Hattuum te apat Jesu mu sawm a na et leh Baptisma tan dan na en ding a, athala phuum, khupdin a phuun, lutanga tui tahsah leh tui thethawte na mu zel ding. Khum flag nuoi a dinga thuchiem zong na mu lai ding. Tam bep mai hilou in Sunday ni nitte, Sabath ni nitte na mu nalai ding hi. Tam tengteng ban ah Vangam kaina dia akoipen zui ding e? Chiin na buoipi mama ding hi. Amau chiet dihipen dia kikoite ahingel uleh bou na buoi sem dinga, Mangpa Jesu meel aliemang sieng zel ding uhi. A nunglam apat en hetsin aw.

(d) A mailam apat en in:

Mikhiel nite kikala khetbeh aum Mangpa Jesu amailang a kipat na et leh bangma in liekha lou ding ahiman in chiengtah in ameel na muthei ding hi. Ama meel apat nang na hina tah chiengtah in naki muchien thei ding a, na khelna zieh a hing shi ahidan na theichien thei ding hi. Mun dang apat et khu alietutamseng hi. Tuaziehin mailam en in aw. Unau tukum Good Friday izahna ah Jesu Khrist hing shina zieh ngaituo vengveng in. A siih tuoh ah enlou in anunglam apat in zong ensam lou in Khros ah mi thum khetbeh a umte lah ah alai a um Jesu pen amalam ah enlechin nangma khelna zieh a shi ding nahi lai in ahing it zieha hingshi Jesu chiengtah a mu in na pampai ngam sih ding hi. Aman, Ama gingta, ama adia saang poumate ana pom a hinkhuo kise dildel sate nangawn bawlhoi sah zel in tangtawn hinna pie hi. Alai a Jesu en in aw...!

Muanna ahsi Jan. 2018 issue apat

KHROSS TUNG A JESU THUGEN KAMTENG SAGITE SUICHETNA (GOOD FRIDAY MESSAGE)

- Revd. Dr. Hangpi Manlun

0). Thupatna: Khawvel a mi tampiten a shikuon chiengun a hinkhuo peisate uh a nua gel jeljel uhi. Tuaban ah a innkuonte uh leh a lawmte kung uah vaihahna thute a gen jeljel uhi. Tuachimabangin, Jesu khu tahsa hing pieng in, za a za Pasian hina leh mihing hina hing nei in tam khovel ah a hingpei a, tualeh a shi kuan dingin Ama'n Khross tung ah thumal/kamteng sagi a gen hi. Tamte khu "Khross Dawn a Jesu Kamteng Sagite" a kichi hi. Tuate isuiding uhi.

1. Pa, Amaute Ngaidam in a silbawl uh atheilou jieh uh ahi (Luk 23: 34). Mangpa Jesu khu mikhielte a ding a hundamna lampi a bawlsah thei na ding in, khross ah kilbehin a hing um hi. Khross kung/gei a mipite leh sepaite'n chiemnui bawlnan nei ua, zu thua a pia ua, tualeh a kung ah hichiin a chi uhi, "Judate Kumpipa Na hi leh, Nang-le-Nang kihundam in!" (Luk 23:37). Banah a kung a migilou kikhaite khat in zong a housie a, hichiin a chi hi, "Khrist hi lou na hiei mah? Nang-le-Nang kihundam inlen kou zong hing hundam in!" (Luk 23:39). Mangpa Jesun amaute ading in a thumsah hi. Jesu'n Pasian kung ah a khelna/

suol uh ngaidamna ding a kikirbeh ahi chi thei lou mite a dingin hepina leh ngaidamna a ngetsah hi. Amaute'n a silbawl uh khelna/suol ahi chi zong theilou ahi maithei uhi.

A lungsietna bangchilawm lawm a thuh leh thupi ahitai? Jesu khu Pasian bangkimbawthei toh pumkhat ahi ua, a ut leh jong Khross apat in bailamtaha hing kum in A suohta thei hi. Hinanleh, jong Pasian deina bangin hundamna dinga kiguot a suhbuchin theina dingin kilbehin a um hi. Tuajiehin, Ama'n bawlgentheina leh zumna chinteng a thuoh zou in, lungsietna lientah toh a thumpi a tualeh ngaidam na ngetsah

zosop hi. Tamtah ah, “amaute” kichi in Ama kilbehtute leh chiemnuibawltute bou/chau a kawh sih hi, mi koi zong Jesu Khrist pom lou zousie leh miel nuai a tengte zong a kawh hi. Tualeh Jesu’n Khross a kamteng masapen tungtawn in Pasian deidan/zawng bang ahiei chi leh Khristian lungtangpuah dingdan ahing hil hi. Matthiu 5:44 ah, hichiin a chi hi, “Hinanlehzong ka hing hil ahi, na melmate lungsiet inlen tualeh nang hing sugentheite a dingin thum in.” Tuajiehin ei hing sugentheitute zousie a dinga i thum thei ding uh ahi.

2. Tuni in Kei Toh Paradis ah Na Umta Ding Hi (Luk 23:34). Jesu khu Golgotha, “Lugu mun” a khaikang ahilaiin migilou ni zong Ama toh kilbeh ahi uhi (Luk 23:33). Migiloute laha khatpen in A kung ah simmotahin a hou hi. Hinanlehzong a khat pen pa’n migilou masapen a phawh/tai a, ama a khelnate a kisia a, tualeh Jesu a Hundampa in a pom hi. Tuachiin Jesu’n Paradise ah Ama toh a umkhawm dinguh chithu a chiem hi. Paradise khu Abraham angsung ahichin Jesun a gen hi. Tualeh Thuhunlui hun lai a misiengthou sisate hagau

uh umna mun ban ah Paulin van thumna umbang in jong a gen hi. (Ephesa 4:8-10). Jesu’n Amakhu Messiah misuolte a kisia chieng ua ngaidam thei leh Khross a, A kamteng nina tungtawn a hundamtu ahidan a puongdoh hi.

3. Numei, Tamnah Na Tapa; Tamnah Na Nu. Tuaziehin Jesu’n a nu leh, nuajuite a itpa a kunga ding a mu tah in, a nu kung ah, “Numei, en in na tapa!” a chi hi. Tuachin, nauzuipa kung ah, “En in na nu!” achi hi. Bible i et chiengin, Jesu’n “nu” a chi sih hi. Etsahna dingin, Johan 2:1-11 sung ah, Jesu’n a nnasepna apat nua a tui uain a suohsah a sillamding masapen a bawl hi. Tam sillamding khu Galilee a Kana khuo a kitenna a siltung ahi. Jesu-le-a nuajuite zong chiel in a um uhi. Uain ahing bei tahchiengin, Mari in A kung ah, “Uain a nei nawn sih uh,” a chi hi, ajiehkhu ama’n Pasian Tapa ahi a, Jesu’n tui uain a suohsah thei hi, chi a thei hi. Jesu’n a kungah hichiin a chi hi, “Numei, nang hing theisah ding bang a um ei? ka hun atung nai sih hi” (tang. 4). Jesu Ama-le-Ama kipuon in Khross a mihingte hutdamna ding Pasian silguot

subuching in i Hundampa dinga khovel a hingpei ahi chi a gen hi. Tuajiehin Mari khu “nu” chi lou in “numei” a chi hi.

4. Eloi, Eloi, Lama Sabachthani (Mark 15:34). Tam khu Aramaic ham ahi a, thuhamsa mama ahi. Azieh ahileh “Pasian in Jesu taisan/peisan ngai ei?” chi ahi. Gnostic pawlin Jesu khu baptistma atan laiin, Ama ah Pasian hina ang um a, ahin khenbeh a aumtahin a Pasian hina in apeisan/taisan bang in a gen uhi. Ahina Jesu khu bangchitan dongin Pasian in ataisan ngaisih hi. Jesu khu Khross ah jinglam dah kua in kilbeh in a um a, tualeh dahkal thum nua in, sun tang laitahin, leitung pumpi ahing miel a nitaahlam dah thum tandong china ahi. Naikal guh zou in, Jesu’n Pasian a han hi, “Eloi, Eloi, lama Sabachthani?” Jesu khu A gim mama hi, ajiehkhu Amakhu gamdai nisa khautah nuai ah A sisan leh tui luong in Khross tung ah naikal guh sung A kikhai hi. Amakhu hagim in A gim hi. Ahisihleh bang dinga, kikou ahiei? Ama leitung a a hingpeina jie ahileh dawimangpa nnasepte suse ding leh eite a dinga hundamna kot

hing honsah ding in ahi. Pasian in A Tapan khawvel khelnate a puoh ziehin en ngamlou in aumban ah, Mangpa Jesun jong thawmhauna nasatah tami hun in atuoh hi. Tuachin thawmhautah in,. “Ka Pasian, Ka Pasian, bang dinga hing taisan Na hiei? chiin ahan hi..

5. Ka Dang a Tah. Tamnah Samaria gam a tuikul bul a dawnding tui anget bangin tamnah dawn ding tui angen hi. Thuhun Lui ah, Jesu Khross a A thuoh ding toh kisai genlawhna tampi a um hi. Late 69:21 ah, hichiin a gen hi, “Ka ann dingin sitheina gu ahing pie ua, ka dangtaah chieng in kadawn dingin, zupawng thuapi ahing pie uhi.” Late a kigenlawh bangin, Jesu’n, “Ka dang a taah,” a chi a, mite’n spangi zu thua/pawngpi a die ua, spangi khu hussop chiengkang dawn ah atah ua akam toh sutuo tou uhi. Bethlehem khuo a Jesu Khrist a pien masang hun sawtpi in, Late gieltu in Jesu Khross a kilbeh leh A shidingdan ana mulawh a ana giel hi. Jesu’n, “Ka dang a taah” A chi a tuachia Pasian Laibu khu ahing tangtun theina ding in. Khross tung a Jesu kamteng ngana, “Kadangataah” hagaulam

umzie toh kisai i ngaitua ding uhi. Mi tampite'n gilkielna a thuaah zou ua hinanlehzong dangtaahna a thuoh zou sih uhi. Jesu khu gimse dimdem hi, ajiehkhu Khross ah dahkal guh sung kilbeh ahi a tualeh gamdai a ni sa mama nuai ah A sisan a luongsah hi. Tamkhu Jesu'n, "Ka dang a taah," a chi in tahsalam dangtaahna sangin haguulam dangtahna ana sazaw hi. Jesu'n tua hagau mangthangte hundam A utdan hing lahna dingin A dangtahdan ahing hil hi. Tuajiehin, Jesu sisan hingluonna tung a na kipaah ding ahi a, tualeh mite hundamna lampi a pui tuin A dangtah sudai in.

6. Zo Ahita. Johan 19:30 ah, Jesu'n dawn ding a dawn a tuachin, "Zo ahita" a chi a, tuachin A lu kunsuh a, A Hagau A hata hi.. Tamkhu in haguulam ah bang kawh a nei ei? Jesu khu tahsa ahing kumsuh a, leitung ah A hingpei a, khantanhoi ahing gen a, hatlou/chaute leh natnate ahing sudam hi, tualeh shiding a laitan a umte a dinga Khross pua in hundamna lampi a siem hi. Mangpa Jesu Ama-le-Ama kipekhia in khross ah khawvel khelnate puoin A subuching hi. Tualeh, dawimangpa tung a

guolzou in dawimangpa nnasep zousie a suse sieng hi. Tuakhu, Ama'n mihingte hundamna dinga Pasian siltup a subuching hi. Tuajiehin Jesu'n, Khross tung ah mikhielte a ding hundamna nnasep zouin "Zo ahita" a chi hi.

7. Pa, Na Khut ah Ka Hagau Ka Kemsah hi. Khross tung a, Jesu kamteng nuakhiapen khu "Pa, Na khut ah Ka hagau kahing kemsakta," A chi hi (Luk 23:46). Bang ding a Jesun a hinna Pasian khut ah kepsah sah e? Ajieh khu Pasian khu Siemtu, lei leh van a bangkim tung a vaihawm leh na hinna, shina, hamsatna leh guolzawlana enkoltu ahiziehin ahi. Tamkhu in a gen khu, bangkim Pasian a leh A vaihawmna nuoi a um ahi. Tuaban ah Ama'n miten aw ngaitah a kikou a zah ding uh deidan/zawng ahi chi a theisah nuom hi. Tuaban ah Aman Pasian deina bangin sil zousie a subuchingta chisuhlatna zong a hi. Taukhu, Ama'n Pasian thumanna bukim toh A nnasep ding a zo nua in Pasian kungah A hagau A kemsah theita china ahi.

Upa (Dikon) Stephen zong Pasian deina bangin a hing a

tualeh ginna khu a kem zing hi. Taujehin “Mangpa Jesu, ka hagau ana sang in”chiin a hu tawpna a laah toh kiton in a thum thei hi (Nasepte 7:59). Eite jong Pa Pasan deina bang a ihin ua shitan a gin umtah a nna isepchieng un ishini chieng un hangsantah “Zo ahita” tualeh “Pa, Na khut ah ka hagau ka hing kemsah” ichithe i giep ding uhi.

Jesu Shi Nua in Bang a chi eile?

Khross a Jesu khu aw ngaitaha kikou a, A kamteng nukhiapen A nuasiet zou in A shita hi. Tuachin, biehinn a puonzaah khu a tunglam apat in a nuailam tan in phalni a kesuh in ni a kisuo hi. Tamin hagaulam a etsah poimotah a nei hi. Biehinn a puonzah sautah khu Mun Siengthou leh Siengthoupente khenna ding ahi. Siempu chilou Mun Siengthoupen ah koima a lut thei sih hi. Tualeh mun siengthoupen a kum khat in siempu lal khat vei maimai a lut thei hi. Biehinn a puonzah hing keh in Jesu khu Ama-le-Ama lemna kithoina suolna bang suchim dinga kithoi ahi chi jong a kawh hi. Jesu shina tungtawn

a khelna baang a chiptah jiehin Pasian toh kizopna tangtahn na nei thei hi. Tuakhu, Jesu Khrist a gingtaatna nei zousie mun siengthou ah a lut thei ding ua tualeh siempu lalte ahisihleh zawlneite palai ngai nawn lou in Pasian bieh in a thum theita uh china ahi. Taujehin, Hebrute geltu in hichiin a chi hi, “Taujehin unaute aw, Jesu sisan jieha mun Siengthoupena lut ngamna hangsan nei in. Eite dinga ahing bawlpieh lampi tha leh hing ah puonzah (tuakhu ama tahsa pumpi china ahi), kaantan in (Hebrute 10:19-20). Ban ah, leitung khu a kithing a suongte a pawhkeeh hi. Tamtobang siltung ngailou tung in khovel a sil um zousie a liingsah chi ahing hil hi. Hansuongte a kihong a tualeh misiengthou ana sisa tampite pumpi khu hing a kaithou kia ahi. Tamkhu Jesu Khrist gingta pouma ngaidam leh hing kia ahi uh chi chetna thokiana ahi. (Note: Tam a tung a thute khu Rev. Dr. Jack Roeck Lee laibu apat leh keima sermonte apat kilasawn ahi uhi).

.....

Aw Pasion hing nai ing

(Jac. 4:8; Labup 144)

- Upa Khupsuankham

Aw Pasion hingnai ing na sienglam chi laa khu asahnuom a lungsim ngaituona athawlsah jiehin mitampi ten Titanic lapi achi hiel ua, aphuohtu khu Ms. Sarah Flower Adams ahi.

Ms. Sarah Flower leh Ms. Elizabeth Goud kaal a Pasion goutan pieh nukhia pen ahia, Feb. 22, 1805 in Harlaw, England ah apieng hi. Aneulai a kipat a la lam a lunglut leh Pasion lasah a minthang tupna lientah nei in, pawl tuomtuomte ah atel hi. Hinanleh adamtheina in pelou in a deidan leh atupdan bangtah a nungahlai hun zang theilou in a um a, 1834 in silmukhetu leh civil Engineering, Mr. John Buydges Adams toh nupa hinkhuo ang zang panta ua, kum 14 sung vingveng azah nua in 1848 in aleitung hinkhuo abeita hi.

A pasal neisung, 1841 in Unitarian Pastor, Rev. W. Johnson Fox in Genesis 28:10-22 pansan a Pasion thu gen dingin akisa a, a topna ding laa khat dei in Ms. Sarah Flower Adam kungah panpina angen

hi. Tualai tah n Ms. Sarah in Genesis 28:10-22 ang sim leh Jacob manga lei leh van kikaal a kahlei (step) kidaw tung ah Angelte asuh atou a kumsuh in akaltou ua, aki viellena thu in alungsim akhoi mama a, akunga silum bangin kichientah in ang mudoh a, Pasion anei dante hing kiphawhkhie in tammi laa hing pieng khie ahi. Tuachiin “Father of American Church and School music” chi a um Dr. Lowell Masor in athu, akai leh asah ding dan bangkim hing bawlfel pai in mi mangbang leh buoina tuohte a ding a henemtu ding a lahoi mama asuohta hi.

Tam laa khu laa dangte banglou hieu in Rev. James king in ang zah tah in tambang in agiel hi. “Tuma kum bangza hei in Palestine gam ah kava zin a Jacob khawl na mun ka tun in, Benjamin muol a naikal ni (2)

ka pei nua un Bethel mun ka tung uhi. Tungvum liim khat tunga dingin, tami mun vel ah Abraham in apuonbuh ana lam a, amaitam khat Bethel suolam ah, Aikhuo apana tumlam ah ana daw chi ka theisuoh a, khanglui lai a Bethel mun ahi chia aki theina munsunte khu Bawhta inn kisesa tamlou, tuikuong kisesa leh Grikte Biehinn ahi. Tammi mun vateh ah “Nang kang naisem ut hi, ka Pasian aw” chi laa asah inn Palestine gam lailunglam ah galkap khat akhut thautang in akapkha a, shi ding a umlai in “Nai, Pasian naisem”, chi’n asa hi. Tammi laa sakhawm in amitsing in Pasian kung azuonta hi.

Tammi laa silbawltheina khu tutan mai a bei hilou in, 1971 Pasian thu zilsahtu minthang mama Professors Hilchcock Smith leh Park Palestine ah hing zui uhi. Syrian sangnaupang 50 te singnuoi a dingin Arabic pan in “Nearer, my God, to thee” chiin ang sa ua, tami lasah zou in professor Hitchcock in tam Syrian Khanglaite lasah in ang zouzou a ka mittuite luong in ka

damsung a lasah kazah zousie lah a ka lung akuoi penpen hi achi hi.

May 21, 1889 in Joh. S Jawn khawpi a tuilien (flood) um in, rail lampite toh buoi in passengerte suotatna ding guol umlou hi. Tua hun in suolam pan a hing kuon Missionary khat in tammi laa ang sah leh a passenger tengteng in asahpi dupdup ua, amangbatnate uh manghil khopi in aum uhi. “President William Ms. Kennedy in tammi laa hoisa mama in ashi chienga sah ding in telsa in akoi a, 1901 a ashi lai in aki vuina ah tammi laa kisa hi!! Atlantic tuipi a Titanic longpi in, Vuokhal aphuhkhahte (1912) in tammi laa sah a aumjehin mi tampi hutdam in a umlaw a, tuni dong in tami laa in mite lungsim khoi mama in, lungkham leh hagaulam liengvai gingtute vahtu (chomtu) poimaw tah asuohta hi. Ham tuomtuom a lekhieh in aum a, zou kama zong lekhieh ahi hi.

“Aw Pasian hing nai ing chithei dingin Mangpa’n hing guolzawl taken”.

.....

THAWKIANA SILBAWLTHEINA

- Rev. Awnkhankhup

Khovel in Jesu pien thu leh ashi thute pomthei dan khat aneithe i lai in a thawkiana thu pen gingta theilou in, a doudal in a nuolkal zing hi. Hagau siengthou a hing tun a, nuazui ten Khantanhoei a puonzah masah penpen uh khu, 'Tam Jesu khu Pasian in akaithou kiata ngei a, ka unpi tua mi theipitu ka hi uhi' chi khu ahi. (Nas. 2:32). Tam thawkiana thugin khu a poimaw mama a, Sawltah Paul in zong 'Khrist thoukia lou nahitaleh pen ka thugin uh amawna ahi ding a....! ana chi hiel hi (I Kor. 15:14). Tuaziehin, thawkiana silbawlttheina in ahing pieh sil thupi khenkhatte tambangin i en ding uhi.

1. Khrist thawkina in hamuonna

hingpie: Jesu Kros a ashi nua in anuazuite zau leh thawmhau in a um ua, a damlou chieng ua damsuhpa, agilkiel chieng ua neh ding pie Pasian hidan a atheipa uh kilbeh a umta mai amu un a beidong ta mama mai uhi. Tualaitah in thoukia Jesu in 'Na tung uah hamuonna umta hen' ahing chikhe guita a, alamkaipa un ashisan dan a kingai, thawmhau tah aum te khu ahing hamuongta mama mai uhi. Tuabang hamuonna khu, shi zau zieh a adamsung teng uh sal a tang zousie asuotat sah theina ding chi Hebrai gieltu in ana gen khu ahing hita hi (Heb. 2:15). Shina leh han khuhmiel mun a hing pui galkai theitu Belampu

hoi, thoukia Khrist khu shina liim guom zauhuoi ah zong i hamuonthei na dingin shina zou in a thoukiata hi.

2. Khrist thawkiana in lametna hing bawlsah:

'Hinanleh kou ten Israel te tankhepa ding Ama ahi chi ka kinem uhi' (Lk. 24:21) hi a beidong tah mai a atenna khuo uh Emau lam zuon a pei lawmtate kungah lametna tha leh hing zing khu Khrist thawkiana in ahingtun ta hi. Tuama bangin, Khrist Jesu a lam-etna nga zing, 'Mangpa koi dang kung ah ka pei ding uoi? Nangman kumtawn hinna thute na nei hi' (Joh. 6:68) chi tu Peter mama zong lungkham beidong kisa in 'kei zong ngaman in kuon kia

vang' chi in Jesu'n a hatkchiehna mun ngaima a kinuale in ama bawl thei leh a siemna ngamatna mun ah ana kinuale kiata hi. Hinanleh, mihingte beidotna khellam a lametna tha hing guon ding a thoukia Jesu'n lametna toh ahing suikhe kia ta a, tuachin Peter zong shinualam tana ding a lametna hing toh lubuh phal a shingam hinkhuo toh thoukia Jesu a dingin ahing kipan khe tha tahi.

3. Khrist thawkiana in hansanna

hing pie: Kros lam zuon a Jesu a hing pei tahtah lai in, Ama zui ngam a tawm hiei hiei mai a, Itna Annkuong imkhawmlai a hangsan pen a kigen Peter zong ataise masa pen a hing hita hi. Hinanleh, Kros lampi tawnsuoh a, shina letdet zoulou a thoukia Jesu'n thawkiana hinkhotha ahing pieh tah in mi meidawi pen zong mihangsan pen hing suoh in, numei masanga taisia a kithei mawbawl tu Peter in mipi sang tampite masang ah, 'Na kilbeh uh khu Mangpa ahia, shina zou in a thoukia ta a, tuami theipitute kahi uh' chi in ahing

tangkoupi ngamta uhi.

4. Khrist thawkiana in tangtawn hinna hingpie:

Thawkiana in bang zieh a hing hamuon a, bang chi dan a lam-etna tha hing siem sah a, bangchi dan a hausanna hing pe ta e ichi leh, thawkiana in tangtawn hinna ahing pieh tah zieh ahi ichithei ding hi. Tam khovel leh mihing damsung nua khellam a i lamet leh i kingapna ding tangtawn hinna ahing bawl sah a, mangbatna leh lungkhamna um nawnlouna khovel tha (Vangam) ahing ngaisah zaw hi. A bei pai ding i hinna bei nua chieng a, van tahsa nei a i thawkia ding a hing ngaituo sah a, tangtawn hinna i nei tah dan a hing theisah hi.

Tuaziehin, tu in thoukia Khrist khu na kung ah ahing kilah in a silbawltheinate khu na tang sam ta ei? chi i thuzawna hileh ichi uhi. Easter Sunday tamveipi i manzou nua un, Khrist thawkiana zieh dihtah i tang kha un i neikhata uoi chi eima leh eima ki enchien chietva ui.

.....

KIPAHTHU GENNA

13th February, 2018 (Tuesday)

February 11th, 2018 (Sunday) ni in JNV Tuinom Churachandpur, Student leh Staff ten Principal Sir Sana Macha Singh lamkaina a Zou Presbyterian Women's Fellowship (ZPWF), Zou Synod etkolna nuoi a Project-Tunnu Limbel (Orphanage Home) vena ang nei ua, Naupangte vanzah poimaw tuomtuom tampi ang pieh ban uah dangka 4,050/- a hing piehna tung uah kipahtu ka gen uhi.

Mangpa'n JNV Tuinuom Churachandpur, mapuitou zing henlen JNV Staff te zousie leh Sang Naupangte, pilna siemna lam ah guoljawl in laamsang henlen, maban a Taga gentheite khotuo zou a panpi ngaite panpi zou zing ding in mapui taken chi ka deisahna thu uh leh ka kipahna uh tami i Tangkou tungtawn in ka puong uhi.

JNV Tuinom, Churachandpur Novadaya te Gift 11/2/2018

1. Note book122	2. Bible 16
3. Sock.....27	4. Wall Clock..... 1
5. Sap75	6. Colgate.....97
7. Surf.....92	8. Good Night 1
9. Tooth Brush48	10. Hair oil.....132
11. Pen27	12. Pencil 10
13. Water Colour28	14. Instrument box..... 1
15. Tongue cleaner.....32	16. Slipper..... 1
17. Eraser5	18. Shampoo 5
19. Clothes.....6	20. Scale 2
21. Plate.....16	22. Biscuit Box 4
23. Asumin Rs. 4,050	

JANUARY 19, 2018 TO FEBRUARY 19, 2018 TAN A

TUNNU LIMBEL PANPINA PETE

1. Chinlunniang, Zoumunnuam	Rs.	100
2. Pa Jacob Suankhanlian, Lailamveng	Rs.	500
3. Nu Niangpi w/o Hausuanthang MDC, Zomi Colony ..	Rs.	1,000
4. Tv. Hauminlun s/o Upa Goumang, Central Church kipahna silpieh	Rs.	10,000
5. Nu Ngailian, Zoukhonuum	Rs.	200
6. LCC, Aina	Rs.	1,500
7. Nu Lalam & Pa Rajen	Rs.	200
8. Nu Flora Hatnu, UK	Rs.	27,000
9. Pa Kamkhogin, Central Church	Rs.	200
10. Nu Haungaivung, Behiangjang	Rs.	200
11. PWF Zomi Colony Anntang Kg 94 &	Rs.	400
12. Nu Dimneiching, Central Church	Rs.	1,000
13. Nu Chinghauniang, Central Church	Rs.	100
14. Nu Vunggouniang, Talnuam	Rs.	100
15. Nh. Nemzavah FMPB Missionary, Sabual	Rs.	1,000
16. ELWA-MELC HQ. Church Zomi Colony	Rs.	3,000
17. Presbyterian Church of India T.Munnuam Anntang ...	Bag - 1	
18. PWF Awnchinkap khuo Anntang Kg 78 &	Rs.	160
19. Pa Lunthang s/o Upa Kaichinkham, Lunjang	Sakhi mal khat	

20. ZPCS Muollum Tunnu Limbel panpina pete list:

1. Upanu Vialvung	Rs.	20	2. Sye Goukhenmung	Rs.	10
3. Upa Lunmang	Rs.	100	4. Upa Chingenpau	Rs.	150
5. Pa Thangkhsuan	Rs.	70	6. Nu Zouching	Rs.	50
7. Nu Boivung	Rs.	100	8. Nu Nianghauching	Rs.	50
9. Pi Dimkannel	Rs.	30	10. Nh. Mangdeiching	Rs.	50
11. Pa Suanpau	Rs.	60	12. Nu Paungainiang	Rs.	50
13. Nu Suanniang	Rs.	20	14. Nu Nemneivung	Rs.	20
15. Nu Chingngaimang	Rs.	20	16. Tv. Dodong	Rs.	40
17. Pu Thongkhokai	Rs.	50	18. Nu Ngaikhanniang	Rs.	20
19. Nu Vungsuanching	Rs.	20	20. Nu Dimhoiching	Rs.	10
21. Upanu Vunghaulian	Rs.	50	22. Nu Niangsianching	Rs.	20
23. Nu Chingdeinuam	Rs.	20	24. Nu Vungngailian	Rs.	20
25. Nu Manching	Rs.	20	Total	Rs.	1,070

Adihlou te Office a suhdih theizing ahi.

Petu zousie Mangpa'n hing guolzawl zing ta hen...!

.....

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhothang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzaton	23. Rev. Awnkhankhup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhoiini	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhosam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K.Samte	100. Upa T.S.K. Samte
101. Upa S.K. Khama	102. Pu Kamkhopao	103. Pu Thathang Taithul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhanhsuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. (L) Mangsuanthang	115. (L) Pu Lamchinhou	116. Upa Pauchinlel
117. Nu Kimneihei	118. Upa Kamgenpau	119. Nh. Niangsuanuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	

Undelivered

Please return to:

The Editor

KHRIŒTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
